

Na osnovu člana 99. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 34.sjednici od 31.05.2011. godine, razmatralo je Informaciju o implementaciji Ugovora o zajedničkom ulaganju između IP „Krivaja“ d.o.o. Zavidovići i „Ferimpex“ d.o.o. Zavidovići, pa nakon rasprave donijelo

Z A K L J U Č A K

1. Općinsko vijeće Zavidovići usvaja Informaciju o zajedničkom ulaganju između IP „Krivaja“ d.o.o. Zavidovići i „Ferimpex“ d.o.o. Zavidovići.

2. Općinsko vijeće Zavidovići apeluje na Vladu Federacije BiH i Vladu ZE-DO kantona da preduzme sve aktivnosti u cilju realizacije Ugovora o zajedničkom ulaganju između IP „Krivaja“ d.o.o. Zavidovići i „Ferimpexa“ d.o.o. Zavidovići.

3. Općinsko vijeće Zavidovići od premijera Vlade Federacije Bosne i Hercegovine i ministra Federalnog ministarstva energije, rudarstva i industrije da **HITNO** primi predstavnike delegacije Općine Zavidovići, koju bi sačinjavali Općinski načelnik, predsjedavajući Općinskog vijeća, zamjenik predsjedavajućeg Općinskog vijeća i predsjednici klubova Općinskog vijeća, a razgovor bi se vodio o realizaciji Ugovora o zajedničkom ulaganju između IP „Krivaja“ d.o.o. Zavidovići i „Ferimpexa“ d.o.o. Zavidovići, o prekidu proizvodnje i neisplaćenim zarađenim plaćama radnika PD „Krivaja 1884“ d.o.o. Zavidovići.

4. Općinsko vijeće Zavidovići, traži od Vlade FBiH da napokon prekine agoniju radnika PD „Krivaje 1884“ d.o.o. Zavidovići i svih građana općine Zavidovići i da se donese konačna odluka o procesu registracije PD „Krivaja 1884“ d.o.o., u cilju očuvanja radnih mjesta.

5. Ukoliko nije moguća registracija PD „Krivaja 1884“ d.o.o., odnosno donošenje odluke iz tačke 4. ovog zaključka, predlažemo da Vlada Federacije BiH preuzme imovinu u cilju njene zaštite, pokretanja proizvodnje, odnosno upošljavanja radnika.

6. Općinsko vijeće Zavidovići podržava zahtjev radnika PD „Krivaja 1884“ d.o.o. Zavidovići i traži od poslodavca PD „Krivaje 1884“ d.o.o. Zavidovići **HITNU** isplatu zarađenih, a ne isplaćenih plaća, a prije svega, plaće za mart i april 2011.godine.

7. Općinsko vijeće Zavidovići u cilju pravovremenog i objektivnog informisanja građana općine Zavidovići, traži od Vlade i resornog Ministarstva da redovno informiše Općinskog načelnika i Općinsko vijeće Zavidovići o svojim aktivnostima i namjerama koje će poduzimati Federalna vlada.

8. Općinsko vijeće Zavidovići, apeluje prema žaliocima u postupku registracije „PD „Krivaja 1884“ d.o.o., kao i prema Vladi FBiH da se što hitnije iznađe kompromisno rješenje u cilju namirenja žalioca i otklanjanju prepreka za nesmetanu registraciju PD „Krivaja 1884“ d.o.o.

9. Općinsko vijeće upućuje apel Vladi FBiH da što je moguće prije pristupi realizaciji sredstava deponovanih u Općinskom sudu Zavidovići, namijenjenih izmirenju potraživanja 167 radnika koji nisu potpisali ugovore o radu s novim preduzećem „Krivaja 1884“ d.o.o. Zavidovići.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-14-2293/11

Datum, 31.05.2011.godine

(M.P.)

ing.Radosav Petrović, s.r.